



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput IV. Fides actualis interna omnibus ratione utentibus, etiam in
infantia baptizatis, necessitate medii simpliciter necessaria est ad
salutem.

[urn:nbn:de:hbz:466:1-73203](#)

ta. Ergo nec ad posse converti, salvari, credere, &c. Consequentia bona est à paritate rationis. Antecedens ostenditur, quia alias gratia sufficiens, de facto habita, ad peccandum damnabiliter foret necessaria (cum nullus possit damnabiliter peccare, nisi qui potest peccatum vitare) & sic tria sequentur absurdum. Primum, quod pro omni instanti, quo peccator vellet damnabiliter peccare, Deus teneretur ipsi gratiam sufficientem dare. Secundum, quod gratia sufficiens misericorditer non detur, quibuscumque datur, sed peccatoribus illis ex debito. Quo dato, gratia illa jam non efficit gratia. Tertium, quod Christus passus & mortuus sit, ut peccatoribus illis promeretur gratiam, quā possent, & sine qua non possent damnabiliter peccare. Quod pīz aures non sustinent. Etē tamen consequens, probatur ex eo quod nulla gratia, nullumque supernaturale donum, nobis in statu naturae lapsae conferatur, nisi per Christum, qui passionem, mortemque suam Patri obtulit, ut nobis impetraret gratias, & dona supernaturalia, quacumque nobis conferuntur. Sed de his plura habes to. 1. l. 9.

C A P U T I V.

Fides actualis interna omnibus ratione utentibus, etiam in infantia baptizatis, necessitate mediū simpliciter necessaria est ad salutem.

39 **E**sse taliter necessariam omnibus ratione utentibus, in infancia non baptizatis, constat ex dictis cap. præcedenti. Sunt enim peccatores: sine illa proinde justificari non possunt, nec salvari. Ratione vero utentes, qui per baptismum in infancia justificati fuerunt, sine fide actuali salvari posse docent Altisiodorensis in 4. tr. 4. q. 3. Meratius disput. 19. de fide sect. 1. al. lert. 2. Bordonus tom. 1. c. 8. de fid. Eccl. Rom. n. 138. Suarez disput. 12. de necess. fid. sect. 2. n. 10. Cardinalis de Lugo disput. 12. de fid. sect. 1. num. 3. Platelius de fid. c. 1. §. 6. n. 219. Comptonus de fid. disput. 15. sect. 1. Oxea disput. 12. de fid. sect. 1. n. 12.

40 **S**ed pro assertione nostra communis est Ecclesiæ sensus, communis doctrina SS. Patrum, communis sententia Theologorum, cui tantam certitudinem conciliant documenta sacra, & Ecclesiæ decreta, ut eam non elidat autoritas Doctorum citatorum in contrarium: utope nullius idem ponderis, quia sola humana ratione contradicunt Oracula Scripturarum, documentaque Ecclesiæ & Sanctorum. Quod profecto non licet, præsertim hac in re, quæ decidenda non est ratione purè humana: cum pendeat à voluntate Dei, quam no-

bis manifestant sacra illa Oracula, & documenta, non ratio purè humana. Divinarum itaque Scripturarum Oracula, SS. Patrum documenta, & Ecclesiæ decreta consulamus.

Asserta necessitas probatur ex sacris Oracula, sive ex divinis Scripturis.

Et primò ex Apostolo, hanc fidei actua- 41 lis necessitatem variis locis perspicue docente, signanter in epistola ad Galat. c. 3. & seqq. ubi ferd totus est, ut ostendat, neminem in veteri lege justificari, vel salvari potuisse sine fide; quodque illi soli, qui ex fide sunt, hi filii Abrahæ; cæteri vero sub maledicto sunt, & pereunt.

Secundò ex eodem Apostolo Hebr. 11. 42 ubi, ab Abela exorsus, factâ inductione justorum, qui ante Christum fuerunt, demonstrat, nullum eorum sine fide Deo placuisse, nec salvatum fuisse. Cùmque de fide Henoch nihil scriptum extaret, probat nihilominus, quod fide Henoch translata est, quia ante translationem testimonium habuit placuisse Deo, nec Deo placere potuit absque fide: credere enim oportet accedentem ad Deum, quia est, &c. Quam argumentationem n. 18. demonstravimus inefficacem fore, si vel unus adultus, etiam in casu extraordinario, sine fide actuali salvari potuerit. Quanto ergo magis inefficax erit, si plures adulti, in infancia per baptismum justificati, sine ea possint salvari? Quidni enim Henoch, sine ea ante translationem Deo placere, atque ad eam sine ea transferri potuerit? cùm credibile sit, ipsum (utpote ex piissimis parentibus natum) per aliquod legis naturæ sacramentum, vel sacrificium, aliumve modum, ad id pro illo tempore à Deo institutum, in infancia justificatum fuisse, nec postea mortaliiter peccasse. Teste namque Scripturæ, cum Deo ambulavit, & tam sanctè vixit, ut ad Paradisum transfiguri meruerit, reservatus (unā cum Elia Patriarcha nostro) ad Dei causam in fine mundi contra Antichristum sustinendam.

Tertiò ex definitione fidei (actualis uti- 43 que, ut patet ex contextu) quam idem Apostolus profert ibidem: *Fides est sperandarum substantia rerum, argumentum non apparentium.* Ibi namque substantia idem est quod basis & fundamentum, prout Interpretes paßim exponunt. Sic ut ergo fundamentum necessitatem mediū simpliciter necessarium est ad ædificium; sic fides actualis, adultis (de quibus ibi sermo est) necessitate mediū simpliciter necessaria est ad consecutionem rerum sperandarum.

Quarto ex Marci ultimo: *Euntes in mun- 44 dum universum, predicate Evangelium omni crea-*

creature. Qui crediderit, & baptizatus fuerit, salvus erit. Qui vero non crediderit, condemnabitur. Quibus verbis non solum exprimitur necessitas fidei actualis (quam apertere significat ly *qui crediderit*) sed & illius fidei, quia creditus Evangelio, quoad ea scilicet, quae sunt fundamenta Christianae Religionis, cuiusmodi sunt mysterium SS. Trinitatis, & Incarnationis: clausula enim, *qui crediderit, qui non crediderit, &c. immediate subjuncta clausule, prædicare Evangelium, significat ibi agi de eo qui crediderit, vel non crediderit Evangelio, post illud ab Apostolis promulgatum; ac per consequens Christus generaliter, & sine exceptione dicens, *qui non crediderit, condemnabitur*, significare voluit, ad consequendam salutem, evitandamque damnationem, post promulgatum Hierosolymis ab Apostolis Evangelium, fidem fundamentalium Evangelicae Religionis dogmatum, necessitate mediis, omnibus ratione utentibus, simpliciter necessariam esse ad salutem. Generalis quippe illa Christi sententia (sicut Evangelium ipsum) vim habere coepit, statim atque Evangelium Hierosolymis per Apostolos promulgatum fuit. Tamen enim statim atque Evangelium Hierosolymis prædicatum fuit, per universum mundum prædicatum non fuerit, immo multæ superfuerint, & aliquæ etiamnum supersunt Gentes, quibus necdum prædicatum fuit; eo non obstante, sicut baptizati, sic dictæ fidei ad salutem necessitas, per universum mundum vim habere coepit: cum ea tamen differentia, quod baptismus ex tunc ad salutem necessitate mediis solum necessarius esse cœperit secundum quid, in re scilicet, vel in yoto; fides vero dicta necessitate mediis necessaria esse cœperit simpliciter & in se. Ad quod significandum Christus (ut Bernardus obseruat epist. 77.) sic baptizatum unum cum fide exprefuit, dicendo: *Qui crediderit, & baptizatus fuerit, salvus erit*, ut tamen in repetitione, qui vero non crediderit, non similiiter exprefuerit, *& baptizatus non fuerit, condemnabitur.* Cautè igitur, & vigilanter non repetivit, qui vero baptizatus non fuerit (ait Mellifluus Doctor) sed tantum, qui vero non crediderit, condemnabitur; innuens, solam interdum sufficere (sine baptismo in re) fidem ad salutem, & sine ipsa sufficere nihil, arque adeò fidem necessitate mediis simpliciter necessariam esse ad salutem, etiam respectu eorum qui nihil audierunt de Evangelio, licet baptismus, respectu eorundem, necessitate mediis solum necessarius sit secundum quid, ut supra: utpote cuius defæctus supplebilis est per fidem, spem & charitatem (quam à Deo accipere possunt) ubi defæctus fidei, per nihil aliud supplebilis est; eo quod fides sit fundamentum salutis, & primum supernaturalium donorum.*

45 Quinto probatur ex Scripturis, quibus
Tom. II.

capite 6. probabitur necessitas fidei actualis in Deum hominem, quæ esse non potest sine fide in Deum.

Accedant ad divinas illas Scripturas contrariae Authores, illisque sensum suum, & humanam rationem, non vero Scripturas divinas anticipato sensui suo, humanaeque rationi à fide excoigitæ accommodent: memores præclaræ regulæ, quam Hilarius tradidit l. i. de Trin. *Optimus lector est, qui dictorum intelligentiam expicit ex dictis, potius quam imponat, & restulerit, magis quam annulerit, neque cogat id videri dictis continent, quod ante lectionem presumperit intelligendum.* Quam etiam Hieronymus inculcat ad cap. 10. Matthæi: *Prudens lector, cave, ne tuo sensu antemperes Scripturam; sed Scriptura jungas sensum tuum.* Siquidem to. 1. Prolegom. 1. c. 5. & Prolegom. 3. c. 12. demonstravimus, verissimum esse, quod laudatus S. Hilarius l. 7. de Trin. dicit, *ex viuo mala intelligentia, fidei exitiisse dissidium, dum quod legitur, sensu potius coaptatur, quam lectiori sensu obtemperet.* Ibidem quoque demonstravimus, ex eodem virtio profluxisse damnatas de moribus propositiones.

Per consequens memores etiam sint, non licere sibi, ab eundem Scripturarum generalitate pro vita sibi ratione excipere, neque eas ex ingenio suo glossare, absque ullo in Scripturis & Patribus fundamento. Sine quo proinde dum adultos, in infantia baptizatos, excipiunt, hæc iporum exceptio, absque majori inquisitione, operoflorique argumentatione, eo ipso rejicienda est tamquam illegitima, prout demonstravimus loco citato cap. . . .

Enimvero si à generalitate Scripturarum, 48 inculcantum necessitatem fidei actualis ad salutem, adultos aliquos excipere liceret; à generalitate Scripturarum, inculcantum necessitatem fidei actualis ad peccatorum ratione utentium justificationem, aliquos peccatores, ratione utentes, pariter excipere liceret, v. g. negativè infideles, vel invincibiliter Deum ignorantia, secundum eos qui ejusmodi ignorantiam admittunt. Cur enim minus? & quodnam in Scripturis & Patribus fundamentum potius excipiendi à generalitate illarum, quam istarum, à qua nullam exceptionem contrarii Authores admittunt?

Denique iidem Authores meminerint, errores ab Ecclesiæ in hac ipsa materia condemnatos (v. g. quod non nisi fides unius Dei necessaria videtur necessitate mediis, non vero explicita remuneratrix). Quod fides latè dicta ex testimonio creaturarum ad justificationem sufficit, &c.) ex simili exceptione, vel glossatione divinarum Scripturarum, seu earum accommodatione ad humanam rationem produisse. Astertores quippe, tam istius, quam illius erroris, ad sic censendum móvit hec ratio purè humana: quia sine fide explicita

M

Dei remuneratoris, vel cum sola fide latè dicta divinæ bonitatis, exurgere quis potest in amorem ipsius super omnia, sive justificari, vel etiam salvare. Cui deinde ratione Scripturas in contrarium allegari solitas accommodarunt, glostarunt, limitarunt, &c. Sed sicut hoc illegitimè fecerunt, ut constat ex Ecclesiæ declaratione; sic Authors, assertione nostræ contraria, similiter illegitimè faciunt, ut ex eadem declaratio-ne à simili colligitur. Proinde quicquid in explicandis mediis supernaturalibus, ad salutem necessariis, cœpitare non vult, & iis philosophari non debet ex ingenio suo, sed ex sacrorum documentorum præscripto.

§ 2.

Eadem necessitas probatur ex communi doctrina Sanctorum.

S^o Tenim Sancti uno ore, absque ulla exceptione, contestantur assertam fidem actualis in adultis necessitatem, & non solum fidem in Deum, sed & in Iesum Christum, sive in Deum hominem. Et ad hoc quidem sufficientia testimonia Irenæi, Chrysostomi, Hieronymi, Augustini, Gregorii, Bernardi, Francisci Xaverii, & Thomæ Villanovani cap. 6. exhibenda pro necessitate fidei in Christum: cùm enim Christus sit Deus, Deique Filius, hoc ipso quod necessariam afferunt fidem in Christum, necessariam assertunt fidem in Deum.

Sⁱ Sed & fidem aliquam actualis necessitate medi ad salutem esse necessariam, doctrina est Ambrosii, Augustini, Fulgentii, Alcuini, &c. Siquidem Ambrosius enarrat in P[ro]f[ess]io[n]e 37. *Fides (inquit) est salutis nostra premium, sine quo non emitur regnum calorum.* Augustinus 13. Trin. 7. *Principia fides est necessaria, quia in Deum creditur, ad hoc utique ut beatitudinem consequamur.* Præcipua vero necessitas, est necessitas medi, de qua sicut loquitur in testimonio citato loco referendis pro necessitate fidei in Christum; ita & in praesenti testimonio, pro necessitate fidei in Deum. Serm. 14. de verb. Apostoli, *Christus nihil prodest non credentibus.* Prodest autem, siqu[em] eorum sine fide actuali salvarentur: cùm nullus salvetur, nisi per Christum. Fulgentius in Prologo libri de fide ad Petrum: *Fides est bonorum omnium fundamentum, humane salutis initium: sine hac nemo ad filiorum Dei numerum potest pervenire; quia sine ipsa nec in hoc saeculo quam justificationis gratiam, nec in futuro vitam consequetur aeternam.* Similia verba profert folens ex Augustino serm. 38. de tempore; sed sermo iste totus est Alcuini lib. de Trin. ut observant Authors novissimæ edit. Operum S. Augustini: ibi itaque Augustinus, seu potius Alcuinus sic habet: *Ad veram beatitudinem pervenire voluntibus prima*

omnium fides necessaria est, sicut Apostolica docet authoritas, dicens: "Sine fide impossibile est placere Deo." Constat ergo, neminem ad veram posse pervenire beatitudinem, nisi Deo placeat, & Deo neminem posse placere, nisi per fidem. Fides namque est bonorum omnium fundamen-tum; fides est humana salutis initium. Sine hoc nemo ad filiorum ejus confortium potest per-venire. Quia sine ipsa nec in hoc saeculo quisquam justificationis gratiam consequitur, ne-que in futuro vitam possidebit aeternam. Quo loco sermonem esse de necessitate fidei actualis, constat ex testimonio Apotholi Hebr. 11. ex quo Alcuinus probat necessi-tatem fidei. Sermonem quoque esse de ne-cessitate medi simpliciter, pater ex eo quod eodem modo dicat, neminem Deo placere posse, nisi credat, quo dicit nemini-nem ad veram posse pervenire beatitudinem, nisi Deo placeat. Quod ad confe-quendam beatitudinem necessitate medi simpliciter necessarium esse, nemo est qui dubitet.

§. 3.

Eadem necessitas probatur ex decretis Ecclesie.

Tum scilicet ex Tridentino sess. 6. cap. 52. ubi fidem actualis vocat *humana sa-lutis initium . . . sine qua impossibile est Deo placere, & ad filiorum ejus confortium pervenire.* Qua verba cùm deprompta sint vel ex lau-dato Fulgentio, vel ex sermone 38. Augustini de tempore, seu potius ex Alcuino, cum-dem sensu habent in Tridentino, quem ha-bent in Fulgentio, vel Alcuino.

Tum ex Decreto, quo Innocentius XI. 53 damndo hanc propositionem 22^{ma}. *Nomini fides unius Dei necessaria videtur necessitate medi, non antem explicita remuneratoris, aper-te declaravit, fidem actualis (de qua paten-ter agit, dum de fide agit explicita; de qua etiam Astortores damnata propositionis egis- se certum est: cùm de habituali nullus un-quam dubitaverit) non solum unius Dei, sed explicitam remuneratoris, necessitate me-di, necessariam esse. Nec solum fidem latè, sed strictè dictam, ut constat ex eo quod idem Pontifex etiam damnaverit hanc propo-sitionem 23^{ma}.* *Fides latè dicta, &c.* Vide supra n. 24.

Porrò si secundum Ecclesiæ doctrinam, 54 damnatae illi propositioni contraria, fides explicita unius Dei non sufficit (sufficien-tia mediæ) ad salutem, non video quomo-dò, post illam Ecclesiæ declarationem, nonnulli adhuc dicere audeant, adulterum ra-tione utentem, sine ulla Dei notitia, ali-quo casu salvare posse, v. g. adulterum ab infantia baptizatum, ac deinde inter bestias, vel atheos educatum, &c. cùm doctrina Ecclesiæ, utpote indefinita, in hac re dog-

matica, sit æquivalenter universalis, & si ne dubio fundata in generalibus Scripturæ sententis §. 1. relatis, quæ neminem excipiunt. Nec proinde magis licet ab Ecclesiæ doctrina excipere adultos, Deum invincibiliter ignorantes, quām à generalibus illis sententiis, quæ illos non excipiunt; quin exceptionem illam Scriptura exprefè excludit, dum ait: *Viam sunt omnes homines, in quibus non subsistit scientia Dei.* Si enim vani, non iigitur ad salutem consequendam idonei.

55 Nec magis licet propositionem 22.^{am} ab Innocentio XI. damnatam, quām generales Scripturas (in quibus damnatio fundatur) restringere ad solos adultos impios. Ob ea quæ num. 44. 45. & 46. dixi. Et quia Authores damnatae illius propositionis, in ea afferenda, fecuti sunt communem definitionem necessarii necessitate medi, quā necessarium necessitate medi definitur: *illud sine quo, etiam inculpabiliter omisi, non potest obtineri salus;* non autem definitionem, ipsis incognitam, cuiusdam Recentioris, communem illam definitionem, singulariter, & si ne duce restringentes ad impios, & dicentes, necessarium necessitate medi esse *illud, quo, etiam inculpabiliter omisi,* salus obtineri non potest ab impiis: ideo secundum communem definitionem, à Theologis passim omnibus traditam, damnatio procedit; non secundum istam singularem, non alia ratione ad inventam, nisi ad sufficendum contra Scripturas, Concilia, Patres, allatamque Ecclesiæ doctrinam, aliquos adultos, ratione utentes, fine ulla fide actuali, imò fine ulla Dei notitia, salvati posse, & sine fide, non solum explicita, sed etiam implicita Christi, sicut & Dei, sive ut existentis, sive ut remuneratoris, &c.

§ 4.

Eadem necessitas probatur ex doctrina S. Thome.

56 **U**t potē qui 1. 2. a. 3. q. 4. 5. 7. & 8. pluribus inculcat assertam à nobis fiduci necessitatem ad salutem, probatque ex Apostolo Hebr. 17. *Sine fide impossibile est placere Deo.* Item, *accidentem ad Deum credere oportet, quia est, &c.* Agit proinde de necessitate fine qua impossibile est salvare. Et a. 7. eodem modo necessariam asserit fidem in Christum. Et ad 3. ait, quod multis Gentibus (in veteri lege) facta fuit revelatio de Christo.... *Siqui tamen salvati fuerunt, quibus revelatio non fuit facta, non fuerunt salvati absque fide Mediatoris.* Quia etiam si non habuerant fidem explicitam, habuerunt tamen fidem implicitam in divina providentia, credentes Deum esse liberatorem hominum, secundum modos sibi placitos. Et q. 14. verit. a. 11. sibi primo loco objicit, solvitque palmarē, imò unicum fundamen-

tum opinionis contradicentis assertæ à nobis necessitati, inde scilicet petitum, quod si fides actualis omnibus adultis taliter necessaria sit, sequitur quod aliquis de necessitate damnabitur: possibile est enim aliquem nutriti in sylvis, vel inter lupos, & talis non potest explicitè aliquid de fide cognoscere. Ergo erit aliquis homo, qui de necessitate damnabitur. Solvit (inquam) ad 1.^{am} dicendo, quod non sequitur istud inconveniens. Hoc enim ad divinam providentiam pertinet, ut cilibet provideat de necessariis ad salutem, dummodo ex parte ejus non impediatur. Si enim aliquis taliter (utpote in sylvis vel inter lupos) nutritus dulcem rationis naturalis sequeretur in appetitu boni, & fuga mali, certissime tenendum est (audiant illi, quibus incredibile videatur quod Angelicus Doctor pronuntiat certissime tenendum) quod Deus ei per internam inspirationem revelaret ea quæ sunt ad credendum necessaria, vel aliquem fidei prædicatorem dirigeret, sicut misit Petrum ad Cornelium. Ecce S. Thomas non dicit, talem hominem, sub invincibili ignorantia fidei, poste sine actu fidei interno salvari, sed certissime tenendum esse, quod si Deus in ipso non reperiat impedimentum, ipsum vel per internam inspirationem, vel per missum prædicatorem docebit ea quæ sunt ad credendum necessaria. Non autem S. Doctor tantâ certitudine doceret illud à Deo providendum, si existimaret, fidem actualem homini taliter enutrito non esse medium indispenſabili necessarium ad salutem, quandoquidem homo taliter enutritus sine illo medio salvati posset sub invincibili ignorantia, & sine ulla notitia Dei, & Christi. Et tamen in 3. dist. 25. q. 2. a. 2. quæſtiunc. 2. in tantum adhuc inculcat necessitatem fidei explicitæ, etiam in Christum (post Evangelium promulgatum) ut si aliquis, obſtaculum non habet, Deus ei revelaret, vel instructorem ad eum mitteret, sicut misit ad Cornelium, qui, ut idem S. Doctor ait 2. 2. q. 10. a. 4. ad 3. habebat fidem implicitam Christi, & cum ea iustificatus fuit ante manifestatam veritatem Evangelii; quia tamen post illius promulgationem necessitate medi ad salutem necessaria fuit fides Christi explicita, ut explicitè instrueretur de fide Christi, per Angelum missus est ad eum Petrus. Quod necesse non fuisset, si fides explicita Christi solum necessitate præcepti necessaria fuisset: utpote sine qua, deficiente instructore, salvati potuissent, eo modo quo plurimi salvantur sine obſervantia aliorum præceptorum invincibiliter ignorantum, ad quos Deus instructores extraordinariè non mittit, ad hoc ut salvantur cum obſervantia istorum præceptorum.

Unde patet 1^o. facto arguento non satisficeri, dicendo cum Lumbiero nostro q.

M 2

15. de fide n. 929. quod etiam si fides non sit medium indispensabiliter necessarium, Deus adhuc extraordinario illo modo ute-
retur, & certissimè uteretur (prout S. Do-
ctor ait) non pro substantia salvationis, sed
ut ea fieret cum observantia praeceptorum.

58 Patet 2o. fidem explicitam Christi, post Evangelium promulgatum, juxta S. Doctorem, nedum esse medium ad salutem indispensabiliter necessarium adultis peccatoribus, sed & justificatis, sicut fuit in Cornelio. Qua de re plura infra.

§. 5.

Eadem necessitas probatur rationibus
Theologicis.

59 Prima ratio: fides actualis necessitate
medii indispensabiliter necessaria est ad
justificationem adultorum, ob divinas Scrip-
turas id generaliter asserentes, prout con-
stat ex dictis cap. 1. ergo & ad eorum fa-
ludem, ob divinas etiam Scripturas id asse-
rentes generaliter. Nec enim magis licet,
privato sensu, rationeque pure humanâ ex-
cipere à generalitate istarum, quam illarum,
ut vidimus num. 46.

60 Secunda ratio: nullus ratione utens,
quamlibet in infantia baptizatus, ullo casu
salvari potest, nisi propriae cooperetur salu-
ti. Sed principium cooperandi saluti, est per
fidem. Ergo. Minor constat ex eo quod fides
à Conciliis & Patribus dicatur *humana
salutis initium*. Major probatur, quia ordo di-
vinas providentias, nobis per Scripturas, Pa-
tres, & Ecclesiae decreta manifestatus, exi-
git, ut omnis ratione utens, qui salutem
consequitur, eam consequatur ut præmium,
mercedem & coronam justitiae, à justo Ju-
dice reddendam, & non solum ut hereditati-
tem, sicut infantes: igitur exigit, ut omnis
ratione utens, qui salutem consequitur,
eam promereatur, solvanteque salutis præmium
benè operando, bonisque operibus tantum
præmium, tantamque mercedem ac justitiae
coronam promerendo. Propterea namque
regnum calorum, Evangelio teste, vim patitur.
Propterea Matth. 19. Christus ait: *Si vis ad
vitam ingredi, serva mandata*. Propterea fa-
tuus virginibus Matth. 20. clausa est janua
regni celestis, quia, vocante sponso, non ha-
buerunt oleum in lampadibus suis, id est,
non habuerunt bona opera. Propterea Apostolus ait, quod *non coronabisur, nisi qui legi-
time certaverit*. Propterea nihil usitatus,
quam vulgatum istud (quod Augustino tri-
bui solet) *qui creavit te sine te, non salvabis te sine te*. Adultus itaque ratione utensibus
necessarium est benè operari, ad salutem
consequendam. Et quia necessaria est pro-
portio mediorum ad finem, ad hoc necesse
est supernaturaliter operari. Ad hoc igitur
indispensabiliter necessaria est fides actualis:

ut pote fundamentum & radix omnis opera-
tionis supernaturalis, juxta Tridentinum &
Patres n. 19. citatos. Ita proinde causa est,
propter quam fides ab Ambrosio enarrat.
in Psal. 37. vocatur *salutis nostra præmium, si-
ne quo non emittur regnum calorum*.

Tertia ratio sumitur ex multis & magnis 61
inconvenientibus ex contraria sententia
oriundis. Sequitur enim 1o. aliquos adultos,
post baptismum in infantia susceptum, ex
ignorantia invincibili tota vitâ atheos, ido-
lolatras, Mahometanos, &c. salvari posse.
Sed hoc communis fideliū sensu impro-
bat, nec ipsis probare audent Adversarii. Ergo.
Probatur sequela, quia si dabilis est inculpa-
bilis ignorantia Dei negativa, & sub illa sa-
lus, absque ulla fide actuali (prout contra-
rii Authores prætendunt) dabilis est & in-
culpabilis ignorantia Dei positiva, id est po-
sitiva exiftatio, quod non sit Deus, vel
quod sint plures dii, &c. saltē in eo qui
(post baptismum in infantia susceptum)
adepto rationis usu, pravâ athei Doctoris,
vel atheistorum, aut polytheorum parentum,
est instructione præventus, prout expreſſe
admittit cum Caramuele in Apologem. num.
123. Bona-speci disput. 1. de Deo uno num.
39. & 41. & esse consequens nos ostendi-
mus to. 1. de Deo diffinit. 2. n. 108. Er-
go dabilis est inculpabilis atheus, polytheus,
& consequenter inculpabilis idololatris, in-
culpabilis Mahometanus, &c. Tam ergo
iste, quam ille, Deum ignorantia inculpabili
negativè ignorans, sine ulla fide actuali sal-
vari poterit. Cur enim iste minus, quam ille,
& quæ inculpabiliter Deum ignorans?
Quæcumque ad id Scripturarum, Concilio-
rum, Patrum, vel SS. Pontificum testimo-
nia protuleris, vel probant adultum sine fide
actuali salvari posse, vel non probant abso-
lutam fidei necessitatem in uno magis, quam
in altero. Neque enim alia proferes, vel
certè non proferes expressiora iis, quæ pro-
tulimus, quæ vel utrumque à salute exclu-
dunt, vel neutrum. Universim namque
contestantur fidei actualis necessitatem. A
qua universitate si tibi liceat excipere labo-
rantes inculpabili ignorantia Dei negativâ;
aliis pariter licebit excipere laborantes in-
culpabili ignorantia Dei positivâ, saltē in
cau dictæ præventionis.

Sequitur 2o. salutem esse aliquibus possi-
bilem in qualibet religione, & secta, ut pa-
tet ex dictis in Corollario præcedenti. Id au-
tem Catholica aures non ferunt, et que con-
tra omnes Patres, dicentes (cum Augustino
epist. 49. ad Deo gratias) quod per solam
veram religionem, talus vera, veraciterque
promittitur. Et (cum Irenæo lib. 5. cap.
20.) extra Ecclesiam non esse viam salutis,
quia extra eam non est vera fides; huic e-
cum creditum est lumen Dei &
sapientia Dei, per quam salvat homines.

Sequitur 3o. aliquos adultos impios, sine

tilla fide actuali, justificari, ac pér consequens salvari posse, nec contrarium ex Scriptura, Patribus, & Ecclesiæ decretis convinci posse: utpote quorum generales sententias simili ratione restringere, glossareque licebit, sicut in præsenti restringunt, glossantque Adversarii. Sicut enim, in præsenti easi, dicunt adultum, in infancia baptizatum, paulo post usum rationis morientem, sub invincibili ignorantia fidei, sine ea salvari, eò quod sic physice fit adultus, ut moraliter quoad eliciendum fidei actum censi non debeat adultus, sed habeat se ut infans; eodem proinde modo, ac medio salvandus, quo salvantur infantes: cum de credendo, vel credendi necessitate non magis cogitaverit, nec credendi actum minus inculpabiliter omiserit, quam infans. Sicut (inquam) sic ipsi discurrunt; ita licebit discurrere de adulto, qui paulo post rationis usum, cum solo originali mortali baptizatus moritur, sub invincibili ignorantia fidei, antequam scilicet de credendo, vel credendi necessitate quidquam cogitaverit. Si adultus, de quo ipsi, sub invincibili ignorantia fidei, sine ea salvetur, eò quod physicè quidam fit adultus, sed quoad eliciendum fidei actum, se moraliter non habeat ut adultus, sed ut infans, eodemque proinde modo ac medio salvetur, quo salvantur infantes. Similiter ergo adultus impius, de quo jam agimus, paulo post usum rationis, cum solo originali, sub invincibili ignorantia fidei, sine ea baptizatus, sine ea justificatur, eò quod physicè quidam fit adultus, sed quoad eliciendum fidei actum, se moraliter non habeat ut adultus, sed ut infans; eodem proinde modo ac medio justificetur, quo justificantur infantes, per baptismum utique. Quo dato, fides actualis huic non magis necessaria erit ad justificationem, quam illi ad salutem. Et quie in contrarium objiciuntur ex Scriptura & Tridentino, vocante Sacramentum Baptismi, *Sacramentum fidei, sine quo nulli unquam conigit justificatio*, restringere licebit ad moraliter adultos, quoad actum credendi, siue ad eos quibus fides sufficienter proposita est, simili licentiâ, quâ Adversarii restringunt facia testimonia §. 1. 2. & 3. exhibita. Sed hoc ne ipsi quidam Adversarii concedere audent, nec à quoquam concedi potest. Ergo nec illud potest concedi.

64. Sequitur 4°. adhuc aliâ ratione, adultos impios, etiam illos qui baptismi gratiam per mortale proprium amiserunt, sine fide actuali, saltem strictè dicta, & cum sola fide latè dicta justificari posse. Sed hoc dici non potest. Ergo. Minor constat ex dictis c. 3. ex eo utique quod Innocentius XI. hanc propositionem damnaverit, *Fides latè dicta ex testimonio creaturarum, similius motivo, ad justificationem sufficit*. Et meritò damnavit: quia fides, sine qua impossibile est placere Deo, fides quâ accedenter ad

Deum credere oportet quia est fides quâ corde creditur ad iustitiam, est fides ex auditu, secundum Apostolum Rom. 10. Item est fides quâ ab Apostolo definitur: sperandarum substantia rerum, argumentum non apparentium. Proinde fides est strictè, non latè dicta. Hæc enim non est fides proprie, sed improprie. Scriptura autem propriè intelligenda est, quamdiu in sensu proprio nullum continet absurdum. Enimvero si fides latè dicta sufficeret, facile convinci non posset Erasmus, in eo quod Socratem, & Platonem, alioisque ejusmodi viros, in gentilitate egregios, caelo donavit. Sustineri enim posset opinio illa Erasmi, eo modo, quo plerique post ipsum sustinuerunt, in America, priusquam Evangelium illic predicatum esset, plures per fidem latè dictam salvatos fuisse, idque generalitatem gratiæ Christi, divinamque misericordiam ac bonitatem commendare.

Sequela verò probatur, tum quia vel id ⁶⁵ probant argumenta, quibus Adversarii prætendent, adultum sine ulla fide salvari posse; vel nihil probant, ut infrâ videbitur. Tum quia non est cur dicti impii minus justificari possint cum sola fide latè dicta (in casu quo fides stricta ipsis non est sufficienter proposita, sive in casu invincibilis ignorantiae illius) quam adulti, sine ulla omnino fide, salvari possint, in casu invincibilis ignorantiae illius. Si enim Scripturas, Patres, Conciliorumque & SS. Pontificum declarationes pro necessitate fidei actualis ad salutem, glossare liceat, ut solùm procedant in casu quo fides est sufficienter proposita; pari ratione & jure sic glossare licebit Scripturas, Patres, Conciliorumque & Pontificum declarationes pro necessitate fidei strictæ ad justificationem, ut solùm procedant in casu sufficientis propositionis fidei strictæ. Tum denique quia Authores, qui docent adultos, ab infancia baptizatos, sine ulla fide actuali, sub invincibili ignorantia illius salvari posse, suam illam doctrinam non fundant in Scripturis, Patribus, Conciliis, vel Ecclesiæ declaratione; sed in ratione purè humana. Si verò ratione purè humana liceat de mediis supernaturalibus ad justificationem, vel salutem, indispensabiliter necessariis, vel non necessariis, sententiam ferre; certè figura ratio purè humana suadeat aliquos adultos sine ulla fide actuali, sub invincibili ignorantia illius salvari posse; aliqua etiam ratio purè humana suadet, aliquos adultos impios, etiam illos qui baptismi gratiam per mortale actuale perdiderunt, sine fide actuali stricta justificari posse. Hæc utique ratio, quod amore Dei super omnia, & contritione inde procedente, peccator, qui baptismi gratiam per mortale actuale perdidit, justificari possit. Amor verò Dei super omnia, & contritione inde procedens, attentâ ratione purè humana, elici potest cum sola fide la-

tē dicta, id est supernaturali cognitione divinæ bonitatis, Dei testimonio non innixa, sed testimonio creaturarum, aliove simili motivo, per divinæ tamen gratiæ auxilium elicita. Siquidem amor Dei super omnia, cum sola ejusmodi fide latè dicta, sine fide stricta, attentâ ratione pure humanâ, non minus elici potest, quam cum sola fide Dei existens & remuneratoris, sine explicita fide Christi, secundum plures Autores, asserta à nobis necessitati contrarios. Hoc autem positio, adulterus impius, de quo agimus, non minus justificari poterit sine fide stricta, sub invincibili ignorantia illius, quam sine fide explicita Christi, sine qua invincibiliter ignorata justificari posse docent.

66 Sequitur 6º. adultos impios justificari & salvari posse sine fide explicita remuneratoris, sub invincibili ignorantia illius. Sed hoc Innocentius XI. damnavit proposit. 22. Ergo probatur sequela (quam contra Ecclesiæ doctrinam concedit Arriaga disput.

12. de fide sc̄t. 5. simili argumendo quo proximè usi sumus) quia qui docent adulterum sine illa fide actuali, sub invincibili ignorantia illius salvari posse, hoc non fundant in Scriptura divina, sed in ratione pure humana. Si verò liceat ratione pure humanâ statuere de mediis ad salutem necessariis, vel non necessariis; æquali, vel majori ratione dicere licet, adultos justificari & salvari posse sine fide explicita remuneratoris, sub invincibili ignorantia illius, quam liceat dicere adulterum salvari posse sine illa omnino fide actuali, sub invincibili ignorantia illius. Hac utique ratione, quod Deus proponi possit ut infinite bonus, absque eo quod proponatur ut remunerator; ac per consequens explicitè credi possit infinite bonus, absque eo quod explicitè credatur remunerator. Deus autem taliter propositus & creditus amari potest, etiam amore perfecto; quem quisquis habet, justificatur. Fortiorum prefecto rationem non habent, immo nec æquæ fortis, qui docent adulterum sine illa omnino fide actuali salvari posse. Huc faciunt cætera quæ dixi num. præcedenti.

§. 6.

Amborum contrariorum argumenta solvuntur.

67 **O**bijices 1º. Potest quis, in infancia baptizatus, Deum in adulta aetate invincibiliter ignorare, & sub illa ignorantia, post breve tempus usus rationis, mori priusquam mortaliter peccet. Sed nihil divinæ bonitati & rectæ rationi conformius, quam tales hominem salvare: cum eo ipso moriatur justus, quo moritur priusquam Baptismi gratiam per mortale peccatum amittat. Est autem contra divinam bonitatem, rectam-

que rationem, justum in accepta justitia moriente damnum.

Confirmatur, quia si talis non moreretur justus, foret ob defectum actus fidei, cuius omissione mortaliter peccasset. Sed fieri potest quod moriatur priusquam actum illum elicere teneatur, atque adeo priusquam illius omissione peccet. Quia vel actum illum elicere non tenetur primo instanti usus rationis: vel si teneatur, primum illud instantis accipendum non est metaphysicè, & indivisibiliter, sed moraliter, & cum aliquatitudine, ut sit locus deliberatione necessariæ ad liberum fidei actum. Ad eam quippe tempus requiritur. Supponamus ergo tempus ad id necessarium, seu primum illud instantis moraliter sumptum, comprehendere medium hora quadrantem, in cuius tertia, vel quarta particula ille (de quo agimus) moriatur: profectò moritur antequam mortaliter peccet, omissione actus fidei: quia moritur antequam teneatur illum elicere. Ergo moritur justus.

Respondeo negando majorem, pro ultra que parte. Quod enim adulterus ratione utens, invincibiliter Deum ignorare non possit, tom. 1. de Deo distinc. 2. q. 2. a. 4. ostendimus, & supra cap. 3. num. 31. confirmavimus. Quod verò adulterus ratione utens, sine illa Dei notitia & fide actuali in gratia moriatur, potentia quidem antecedenti absolute possibile est, abstrahendo à decretis divinæ providentiae in contrarium; sicut absolute possibile est, prædestinatum mori, dum est in peccato mortali, vel reprobum, dum est in gratia: sed sicut hoc possibile non est potentia consequenti, supposito præsenti ordine divinæ providentiae; ita nec illud. Sicut enim divina providentia nunquam istud permittit, ne sius ordo violetur; ita nec illud, ob eandem rationem. Cum ex una parte decreverit, omnem in gratia morientem salvare: ex alia parte decreverit, nullum ratione utentem, sine sui cognitione & fide salvare, ut constat ex Scripturis, Patribus, Ecclesiæ decretis, Theologicisque rationibus supra allegatis. Secundum præsentem itaque divinæ providentiae ordinem, nullus in infancia baptizatus, post rationis usum, in gratia moritur, absque Dei cognitione & fide. Quia nullus in gratia moritur, nisi qui, ex speciali Dei misericordia & gratia, accipit magnum perseverantie donum (teste Tridentino sc̄f. 6. cap. 13. & can. 22. ubi sic: *Si quis dixerit justificatum, sine speciali auxilio Dei, in accepta justitia perseverare posse, anathema sit*) illud verò perseverantie donum, Deus nec dat, nec dare tenetur omnibus justis; sed iis solis dat, quos ex speciali sua misericordia, secundum gratuitum propositum suæ voluntatis, electos, ac prædestinatos, efficaciter salvare decrevit. Nullos autem adultos, ratione utentes, taliter salvare decrevit, nisi ma-

mediante sui cognitione, & fide, uti vidimus. Omnis proinde adultus, qui post rationis usum, sive Dei cognitione & fide moritur, moritur absque perseverantiae dono. Nullus ergo eorum perseverat. Nullus ergo in gratia moritur: sed omnis adultus talis moritur in peccato. Quod tamen non necessariò est peccatum contra præceptum eliciendi actum fidei, sed sive contra præceptum istud (quo casu Deus ipsi tribuit tempus necessarium ad deliberandum) sive contra aliquod aliud præceptum. Unde patet ad confirmationem.

69 Objicies 2º. Gratis fingitur talis divinæ providentiae ordo.

Respondeo gratis non fingi, quod tam perspicuis nitor divinarum Scripturarum, Ecclesiasticorum decretorum, Sanctorum testimoniis, Theologicarumque rationum momentis.

70 Objicies 3º. Dato, non concessio, quod fides actualis necessitate mediū necessaria foret adulto, de quo agimus, non proinde excludendus foret à salute. Quia necessarium necessitate mediū à Theologis communiter non benè definitur: illud sine quo, etiam inculpabiliter omisso, nullus salvari potest; sed definiri debet: illud sine quo, etiam inculpabiliter omisso, nullus impius salvari potest (alias justus, ob inculpabilem omissionem actus fidei, sibi moraliter impossibilis, gratia privaretur, vel in gratia moriens, à salute excluderetur) adultus verò de quo agimus, non est impius, sed justus.

Respondeo negando antecedens. Ad ejus probationem dico, optimam esse communem definitionem, neque objectae sequela obnoxiam, ut constat ex dictis in responsione ad objectionem primam.

71 Objicies 4º. Adhuc dato, non concessio, quod definitio illa bona sit, quodque fides actualis necessitate mediū ad salutem necessaria sit; non tamen necessaria est fides in re, sed sufficit in voto, sive in gratia baptismi, ait ingeniosus Recentior disp. 1. de Deo uno n. 52.

Respondeo negando antecedens 1º. quia probavimus fidem actualē adultis ratione utentibus esse necessariam in re. 2º. quia in eo qui Deum & fidem prorsus ignorat, nullum esse potest fidei votum. Siquidem votum seu desiderium fidei est actus, non habitus (sicut votum seu desiderium Sacramenti baptismi vel penitentiae) ante fidem verò actualē, nullus est actus, in quo ipsa contineatur, sicut in voto: cum fides illa sit humanæ salutis initium, adcōque primus actus supernaturalis. Et si quis actus, ante fidem actualē stricte dictam, foret ipsius votum, foret fides latè dicta ex auxilio gratiae elicita; hanc verò non sufficere declaravit Ecclesia. 4º. aliqua fides necessitate mediū ad salutem necessaria est adulstis, quae necessaria non est parvulis (teste

Bernardo, qui epist. 77. fidem adultis magis necessariam asserit, quam baptismum) sed gratia baptismalis non minus necessaria est parvulis, quam adultis. Igitur gratia baptismalis, non est illa fides, quae magis necessaria est adultis, quam parvulis. 5º. fides necessaria adultis, supernaturaliter illuminat intellectum. Sed votum, seu desiderium luminis, non illuminat, ut patet in eo qui in tenebris desiderat lumen. 6º. gratia baptismalis non magis est votum actus fidei, quam spei, charitatis, aliarumque virtutum, quorum actuum si gratia illa esset votum, infantes baptizati dici possent habere actum fidei, spei, charitatis, aliarumque virtutum in voto. Quod prorsus est inauditum, & Recentior ille negat disp. 2. de Eucharist. n. 54. haec ratione, quia carent usu rationis, quem votum presupponit. Quā ipsius ratione conficitur, gratiam baptismi non esse votum actus fidei, spei, charitatis, &c. Alias votum istud non magis presupponeret usum rationis, quam gratia baptismalis.

Objicies 5º. Non est cur fides actualis 72 adulto per baptismum justificato, in re magis necessaria sit necessitate mediū ad salutem, quam baptismus aquæ taliter necessarius sit adulto, per contritionem perfectam justificato. Cui idē non est in re taliter necessarius, quia antecedenter ad illum jam est justificatus: quæ ratio etiam verificatur in adulto nostro. Quemadmodum ergo baptismum in re adultis jam justificatis Deus noluit esse in re taliter necessarium, ne multi amici Dei perirent defectu baptismi sibi moraliter impossibilis: sic fidem actualē in re noluit ipsis esse taliter necessariam, ne multi amici Dei perirent defectu fidei actualis, sibi moraliter impossibilis.

Respondeo 1º. retorquendo argumentum: non est cur fides actualis adulto impi in re magis necessaria sit necessitate mediū ad justificationem, quam baptismus aquæ in re, &c. Cui licet baptismus in re taliter necessarius non sit, fidem tamen actualē in re ipsi ad justificationem necessitate mediū necessariam esse fatetur idem Recentior disput. 7. de fide dub. 1. resol. 1.

Respondeo 2º. negando antecedens. Ratio enim majoris quoad hoc necessitatis fidei actualis in re, quam baptismi in re, est institutio Dei, qui sicut voluit fidem actualē in re adulto magis necessariam esse ad justificationem, quam baptismum in re; ita & ad salutem, uti demonstrant fundamenta nostræ assertio. Quod itaque baptismus in re non sit taliter ad salutem necessarius adulto, per contritionem perfectam justificato, non est idē quia antecedenter ad baptismum est justificatus (potuit enim Deus illam in adultis justificatis non obstante antecedenti justificatione in re indispensabiliter ad salutem exigere) sed quia ex

Scripturis, & Ecclesiæ traditione habemus, Deum voluisse, ut baptismus in re tam ad salutem, quam ad justificationem adulorum, per aliud suppleri posset; ex Scripturis vero & Ecclesiæ traditione econtra habemus Deum noluisse, ut fides actualis in re, sive ad salutem, sive ad justificationem adulorum, per aliud suppleri posset. Et certè major est ratio cur baptismus per aliud suppleri posset, quam fides, vel scilicet quia ante baptismum datur actus, in quo baptismus continetur sicut in voto; actus utique charitatis, vel contritionis: ante fidem vero actualē non datur actus, in quo ipsa continetur, sicut in voto, prout ostendimus n. 71. & 72. vel potius quia baptismus non est nisi medium externum ad salutem & justificationem; fides vero, spes, charitas actualis sunt media interna, in quibus, non in mediis externis, consistit interna perfectio & reformatio hominis, quam Deus potissimum intendit. Unde cum interna perfectio & reformatio adulorum, sine mediis externis reipsa applicatis haberi queat, non vero sine internis; optimā ratione Deus voluit defectum mediorum exterorum per media interna suppleri posse; non defectum internorum per externa, in iis qui per rationis usum capaces sunt internorum. Unde idem rursus Recentior disput. 7. de fide n. 8. in responsione ad similem objectionem ait, quod ex Scriptura habemus aquæ baptismum per aliud suppleri posse, videlicet ex Proverb. 8. *Ego diligentes me diligo. Joan. 14. Qui diligit me, diligitur a Patre meo, & ego diligam eum, & manifestabo ei meipsum.* Fidem econtra actualē per aliud suppleri non posse, habemus ex Apostolo: *Sine fide impossibile est placere Deo. Credere operat accedentem ad Deum. Quidcumque invocaverit nomen Domini, salvus erit; quomodo auem invocabunt, in quem non crediderunt? Qui crediderit & baptizatus fuerit, salvus erit. Qui vero non crediderit, condemnabitur.* Ex quo loco Bernardus majorem in adultis colligit necessitatem fidei actualis, quam baptismi, ut supra vidimus. Porro allata loca, aliaque §. 1. allegata, de adultis generaliter loquuntur, nec excipiunt adultos per baptismum antecedenter justificatos. Et ideo ipso excipere non licet.

75 Nec excipere cogit ratio, quæ in objectione targitur, quod si fides actualis per aliud (per gratiam utique baptismi) suppleri non posset, ad salutemque proinde adulorum indispensabiliter necessaria sit, multi amici Dei peribunt, defectu fidei actualis, sibi moraliter impossibilis. Cum enim amicis suis Deus in necessariis non desit, nisi ipsi Deo desint, nec ipsos deserat, nisi prius ab ipsis deseratur: amicis suis providet media necessaria, quibus pervenire possint ad fidem. Nullus proinde ipsorum perit ob de-

fectum fidei sibi impossibilis, sed vel ob alia peccata, vel ob culpabilem defectum fidei sibi possibilis, cuius dono se reddiderunt indignos, juxta illud Augustini epist. 49. *Salus religionis huius, per quam solam veram salus vera veraciterque promittitur, nulli unquam defuit, qui dignus fuit; & cui defuit, indignus fuit.*

Objicies 6^a. Fidem actualē necessitate 76 mediū necessariam facere adultis, per baptismum justificatis, pro eo tempore, quo Deum invincibiliter seu inculpabiliter ignorant, est adultum illum, jam justificatum, & filium Dei adoptivum, pro illo tempore, ad impossibile, sub pena aeternæ damnationis obligare. Quo nihil crudelius, nihil à paterno Dei in filium adoptivum affectu magis alienum.

Respondeo negando antecedens: utpote in quo falso supponitur, adultis per baptismum justificatis, fidem actualē esse impossibile pro tempore quo illius eliciendæ præceptum urget. Quod falsum esse constat ex dictis num. 75. tum ex damnatione hujus propositionis: *Aliqua Dei præcepta, hominibus iustis, volentibus & conantibus, secundum presentes, quas habent vires, sunt impossibilia; deest quoque gratia, quæ possibilia sunt.* Per consequens falso supponitur, eundem adultum pro illo tempore Deum invincibiliter, & inculpabiliter ignorare, vel Deum omnibus adultis justificatis, ratione utentibus, non providere sui cognitionem, si faciant quod in se est, nec voluntariam sibi ignorantiam suā culpā adsciscant. Id enim à veritate alienum esse constat ex dictis num. 75. citato, mirumque est, id ut verum supponi ab iis, qui certissimum esse dicunt, Deum adultis omnibus dare gratiam sufficientem. Quomodo enim Deus adultis omnibus gratiam dat sufficientem, qui (secundum ipsos) ne justis quidem omnibus dat fidem, immo nec sui cognitionem: cùm à supernaturali Dei cognitione & fide incipiat gratia sufficientis, ut vidimus num. 31. & (ut ibidem ostendimus) intelligibile non sit, quæ gratia sufficienti donatus sit, cui ne quidem donatum est, suum cognoscere Authorem, ad quem in necessitatibus confugere debeat. Nullus itaque adultus justificatus, Deum ignorat, vel certè vincibiliter ignorat. Nullus etiam adultus justificatus, nisi culpabiliter, caret fide credendorum necessitate mediū, saltem usque ad mortem, ut patet ex dictis num. 75. Nullus denique adultus, per baptismum justificatus, sub mortali tenetur ad actum fidei sibi impossibilem, sed sibi possibilem per gratiam, sibi non negandam, nisi se eā indiget.

Objicies 7^a. Hæc propositio est vera: *Adultus, in infancia baptizatus, sub invincibili Dei ignorantia decedens, potest salvavi.* Ergo fides actualis ipsi necessaria non est ad salutem nec

cessit.

cessitate medi. Probatur antecedens; si enim salvare non posset, necessariò damnatur, adeoque veræ essent sequentes propositiones à SS. Pontificibus damnatae. 1^a. Ad rationem & definitionem peccati, non pertinet voluntarium. 2^a. Homo peccat etiam damnabiliter in e quod necessariò facit. 3^a. Infidelitas negativa, in his, quibus Christus non est prædicatus, peccatum est. 4^a. Aliqua Dei præcepta hominibus iustis, volentibus & conantibus, secundum præsentem, quas habent vires, sunt impossibilia.

77 Prima quidem propositione vera esset, quia si talis necessariò damnaretur, necessariò peccaret mortaliter: cùm nullus damnetur, nisi ob mortale peccatum. Sed in dicto adulto per baptismum justificato, invincibiliter Deum ignorantem (qui post breve tempus usū rationis supponitur mori, nec tantillo tempore peccasse mortaliter contra legem naturalem, nec contra legem divinam distinctam à legi credendi) nullum aliud mortale peccatum esse potest, nisi omissionis actus fidei. Ergo necessariò peccaret mortaliter omissione actus fidei, sibi sub ejusmodi ignorantia impossibilis. Quod si verum esset, ergo ad rationem peccati non pertineret voluntarium, & sic vera esset 1^a. propositione. Vera quoque esset 2^a. quia necessario peccaret damnabiliter, omissione actus fidei, quem non posset non omittere, sub eadem ignorantia invincibili. Similiter vera esset 3^a. quia omissione illa actus fidei esset infidelitas negativa. Sed omissione illa peccatum esset. Ergo infidelitas negativa peccatum esset. Denique vera esset 4^a. quia adultis justificatis, de quibus agimus, præceptum de credendo Deum esse, esset observatu impossibile: cùm ipsis impossibile foret credere existentiam Dei, quem invincibiliter ignorare supponuntur. Ergo Dei præceptum ipsius, tametsi iustis, nec negligenter facere quod possunt, in illo statu foret impossibile.

78 Hæc est tota substantia argumenti, quod fusissimè deducunt, & in quo tamquam Achille suo mirè confidunt sequaces laudati Recentioris. Frustrâ tamen, cùm solidum non sit, sed sophisticum. Falsum enim supponit, dari utique in adultis illis, per baptismum justificatis, ignorantiam Dei invincibilem usque ad mortem, sub qua ignorantia, ante mortem, non incurvant alii mortaliter peccatum, quām omissionis actus fidei. Cujus tamen oppositum illud ipsum argumentum probat, siquid probat, & sic seipsum destruit. Datā quippe invincibili Dei ignorantia usque ad mortem, sequentur illæ propositiones damnatae. Cùm ex una parte sub illa non posset quis credere, ex alia parte adultus salvare non posset, nisi credit, atque adeo sine illa Dei notitia & fame moriens, secundum demonstratum ordinem divinæ providentiae, necessariò damne-

tur, necessariò proinde moriatur in peccato mortali. Quo posito, quatuor illæ propositiones confessariæ sunt, vel certè arguementum nihil probat.

Ad illud itaque in forma respondeo 1^o. 79 quod admisso ejusmodi ignorantia usque ad mortem, adultus taliter ignorans posset, & non posset salvare. Posset, ut Adversarii suo illo argumento prætendunt. Non posset, ob ea testimonia, Patres, Theologicas rationes, & Ecclesiæ decreta paragraphis superioribus deducta. Si ergo quatuor illæ damnatae propositiones, supposita ignorantia Dei invincibili, legitimè deducantur ex asserta fidei actualis necessitate, ob earum damnationem neganda non est necessitas fidei actualis, in apertis divinae Scripturæ, Ecclesiæ, & sanctorum Patrum documentis fundata: sed neganda potius est possiblitas ejusmodi ignorantie (saltē usque ad mortem) secundum præsentem divinæ providentiae ordinem, utpote in nullo horum fundata; sed ad summum in ratione purè humana, ob quam recedendum non est à sacris illis documentis, sed ab humana potius ratione recedendum, ob sacra illa documenta, quibus subjicienda est ratio purè humana, non contra.

Respondeo 2^o. negando suppositum totius 80 argumenti, sub præsenti utique ordine divine providentiae dabilem esse in adultis, per baptismum justificatis, invincibilem Dei ignorantiam usque ad mortem, sub qua adulti illi, ante mortem, mortaliter non peccent alio peccato, quām omissionis actus fidei, sub ejusmodi ignorantia sibi impossibilis. Admisso quippe tali suppositione, damnatae illæ propositiones liquido consequuntur. Sed negatæ suppositione, totum argumentum ad nihilum rediguntur. Adulti itaque, de quibus agimus, si usque ad mortem, Deum ignorarent, vincibiliter & culpabiliter ignorarent, nec proinde fidei actum sibi impossibilem, sed possibilem omitterent. Ob ea quæ dixi num. 75. & 76. Dato vero, non conceesso, quod Deum usque ad mortem invincibiliter ignorarent, nec proinde fidei actum elicere possent, negativa infidelitas ipsorum non foret peccatum, nec ob istud peccatum damnarentur, sed ob aliud contra legem naturalem commissum, in quod infallibiliter cadere, in eoque mori permituntur, quotquot adulti sine fide, adeoque sine perseverantia dono moriuntur. Vcl. damnantur ob plura ejusmodi peccata, ante mortem non remissa, defectu remedii ad eorum remissionem indispensabiliter necessarii. Difficilis quidem est in concipiendo quomodo mortaliter contra Deum peccare possit, qui Deum invincibiliter ignorat. Sed istis se difficultibus implicat, qui ejusmodi ignorantiam admittunt. Nos eam non admittimus.